

Divina vos vestrosque filios vestramque familiam gratia sempiterna protectione —804
custodiat, praeveniat, donis augeat et meritis in aeternum. Duo vascula direxi vestrae
caritati, pater sancte^a, quae deprecor ut humiliter accipias habeasque aliquantum
temporis ante oculos tuos in mensa, veluti ego casulam in missarum solemnibus habi-
5 turus sum¹.

267.

*Alcvinus episcopum quendam² (Arnonem?) rogat, ut pro se preces faciat; hortatur
eum ad officium pastorale strenue obeundum, superstitiones populi aboleri cupit.*

—804.

Codd. S 1 fol. 197—200' (S 1 fol. 125'—128).
10 Edd. M 22, F 135, J 295. — Migne col. 449.*

Dulcedinem dilectionis brevis cartae non explicat. Sed spero, fides vestrae
pietatis tenet, quod^a meae imperitiae littera non sufficit proferre. Utcumque enim
memoria caritatis absentiae tristitiam consolatur, et quem sibi praesentari per singula
momenta oculus querit, hunc animus absentem semper amare non desistit. Heu, quam
15 dura est huius mortalitatis conditio, quae variis eventibus toties amicos disiungit, nec
patitur semper videre amantem amatorem suum. O quam felix est aeterna beatitudo,
ubi semper videtur quod amatur et nunquam cernitur quod non amatur³. Ad hanc
nos festinare oportet, ut illam intrare mereamur. Nullus nos labor deterreat, nulla
delectatio^b retardet, sed tanto avidius totis viribus tendamus ad illam, quanto beatius
20 illam habere poterit qui intrat.

Me tecum, dilectissime frater, obsecro, continuis precibus adtrahe. Tu vero
aries, cui iuxta Salamonem nullus resistere valet; ego morbida inter gregem evan- Prov. 30, 31.
gelicae pascuae ovicula⁴. Tua lingua clavis est regni caelorum; quapropter numquam
a bonis sileat, numquam ab ammonitionibus cesset. Superbos et contumaces duris in-
25 crepationibus castiget, humiles et quietos piis exhortationibus refoveat; talentum quod
accepisti, quasi devotus negotiator superaumentare contende. Non tardat Dominus,
qui dedit, revenire, et rationem^c exigere pecuniae suae. Vide et intentius considera,
quantas animas in periculo animae tuae regendas accepisti. Fac tibi lucrum ex illis,
non damnum. Ad exemplum domini Dei tui recurre, quomodo per civitates, castella,
30 vicos etiam et domos singulas^d praedicando cucurrisset, immo convivia publicanorum Matth. 9, 35.
et peccatorum non abhorruit^e, quatenus ex familiaritatis communione praedicationis
occasionem^f haberet. Ita tu eius roboratus exemplis, ubicumque ad convivia venias,
ibi praedicationis officia gerere non cesses, ut pro carnalibus, quae ministrantur tibi Rom. 15, 27.
tuisque sociis, spiritalia sibi suisque commanipularibus accipiant. Memor, quanta se 1. Cor. 9, 11.
35 ipsum districtione pius praedicator Paulus obligavit dicens: 'Vae mihi, si non evan- ib. 9, 16.
gelizavero'. Et iterum, quam terribilia comminatus est Dominus ipse Ezechieli pro-
phetiae, dum praedicationis ei officia ingessit: 'Fili hominis, speculatorem posui te Ez. 3, 17.
domui Israel'. Et post pauca: 'Si enim non adnuntiaveris iniquo iniquitatem suam, et 3, 18.
ille morietur in peccatis suis, sanguinem eius de manu tua requiram'. Et iterum per

40 266. ^a) sanctae S 1.

267. ^a) enim add. S 1. ^b) dilectatio S 1. ^c) ratione S 1. ^d) singulos S 1. ^e) obhorruit S 1.
^f) occasione S 1.

1) Cf. de hac casula supra p. 424, ideoque hanc epistolam illam subsecutam esse censeo. 2) De quo
Sickel dubitavit, Alcuinstudien p. 533. 3) Cf. supra p. 166 n. 2. 4) Cf. supra p. 139 n. 1: ego una
45 sum regiminis vestri ovicula, sed valde peccatorum maculis morbida.